



# RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166  
Rješenje Kantonalnog suda Tuzla br: U/I-0891/98. ID PDV broj: 209329530001  
Identifikacijski broj: 4209329530001 Porezni broj: 03421100

[www.rmub.ba](http://www.rmub.ba)



Broj: 9354 /17  
Datum: 10.11 2017. godine

Na osnovu člana 69. stav (2) tačka d., člana 25. i 70. st. (1), (4) i (6) Zakona o javnim nabavkama („Sl. glasnik BiH“ broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), člana 82. Statuta RMU Banovići d.d. Banovići broj: 317/16 od 11.01.2016.g. i člana 34. Pravilnika o javnim nabavkama roba, usluga i radova broj 5764/15 od 13.05.2015.godine na Preporuku Komisije za javnu nabavku broj: P-17aZCc/17 od 09.05.2017.godine u postupku javne nabavke: PUTNIČKO MOTORNO VOZILO, Ugovorni organ RMU „Banovići“ d.d. Banovići donosi

## ODLUKU o poništenju postupka javne nabavke

### Član 1.

Poništava se postupak javne nabavke „PUTNIČKO MOTORNO VOZILO“ broj nabavke C-R-I 11/16 iz razloga: Nijedna od primljenih ponuda nije prihvatljiva.

### Član 2.

Za izvršenje ove odluke zadužuje se i ovlašćuje Komercijalni sektor.

### Član 3.

Ova odluka objavit će se na web-stranici [www.rmub.ba](http://www.rmub.ba).

### Član 4.

Ova odluka stupa na snagu danom donošenja.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 17469/16 od 27.12.2016.godine. Javna nabavka je sprovedena otvorenim postupkom. Procijenjena vrijednost javne nabavke bez PDV-a je 120.000,00 KM. Obavještenje o nabavci broj: 565-1-1-1168-3-413/16 poslato je na objavljivanje dana 27.12.2016.g, a objavljeno je na Portalu javnih nabavki dana 27.12.2016. godine, sažetak obavještenja o nabavci objavljen je u Sl. glasniku BiH, broj 01/17 od 06.01.2017. godine.

Komisija za javnu nabavku imenovana je Rješenjem broj: 17492/16 od 27.12.2016. godine.

Komisija za javnu nabavku je dana 10.05.2017.g dostavila Direktor Društva Izvještaj o radu broj: I-17aZCc/17 od 09.05.2017. godine., Zapisnik o ponovnom pregledu i ocjeni ponuda broj: 17aZCc/17 od 09.05.2017.godine. i Preporuku o poništenju postupka javne nabavke broj: P-17aZCc/17 od 09.05.2017. godine u postupku javne nabavke broj C-R-I 11/16.

U postupku po Izvještaju o radu je utvrđeno da je Komisija za javnu nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: 2
- da su blagovremeno zaprimljene 2 ponude;
- da su ponude ponuđača COSMOS COMMERCE d.o.o. TUZLA i REMEX d.o.o. TUZLA nekvalifikovane i ne ispunjavaju uslove tenderske dokumentacije.

Ponuda ponuđača COSMOS COMMERCE d.o.o. TUZLA je nekvalifikovana iz sljedećeg razloga:

- Ponuđač COSMOS COMMERCE d.o.o. TUZLA je u ponudi dostavio Izvještaj o računima pravne osobe na dan 15.12.2016.g. a Obavještenje za predmetnu nabavku je objavljeno 27.12.2016.g na Portalu javnih nabavki, što znači da je ponuđač navedenu potvrdu pribavio 12 dana prije nego što je Ugovorni organ raspisao predmetnu nabavku, a 42 dana od dana prijave na javno nadmetanje, što nije u skladu sa tačkom 7.3.1. tenderske dokumentacije



kojom je propisano : "Račun ponuđača u zadnjih 6 mjeseci prije prijave na javno nadmetanje ne smije biti u blokadi".

Ponuda ponuđača REMEX d.o.o. TUZLA je nekvalifikovana iz sljedećeg razloga:

- Ponuđač je u ponudi dostavio Izvještaj centralne banke datiran na dan 17.01.2017. godine, 8 dana prije prijave na javno nadmetanje, a rok za prijavu za javno nadmetanje je bio 25.01.2017. godine, što nije u skladu sa tačkom 7.3.1. tenderske dokumentacije kojom je propisano : "Račun ponuđača u zadnjih 6 mjeseci prije prijave na javno nadmetanje ne smije biti u blokadi".
- Ponuđač nije numerisao ponudu u skladu sa tačkom 8.1.4. tenderske dokumentacije.

Nadalje, u postupku ocjene provedenog postupka, Ugovorni organ RMU „Banovići“ d.d. Banovići nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nijedna primljena ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka d., člana 25., člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke („Sl. Glasnik BiH“ broj: 103/14), člana 82. Statuta RMU Banovići d.d. Banovići broj: 317/16 od 11.01.2016.godine i člana 34. Pravilnika o javnim nabavkama roba, usluga i radova broj 5764/15 od 13.05.2015.godine, odlučeno je kao u članu 1. ove odluke.

#### POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: RMU „Banovići“ dd Banovići, Ul. Armije BiH 52, 75290 Banovići.  
Žalba se podnosi najmanje u 3 (tri) primjerka.

#### DOSTAVLJENO:

- Ponuđačima
- Komisija
- a/a.

DIREKTOR



Dr. sci. Munever Cergić dipl. inž. rud.

#### Transakcijski računi:

161 0250 007 190075 Raiffeisen bank d.d. BiH, filijala Tuzla  
132 1300 309 179345 NLB Banka d.d. Tuzla, filijala Banovići  
187 2000 000 044917 Postbank BH d.d. Sarajevo, filijala Živinice  
154 3602 003 310866 Intesa Sanpaolo banka d.d. BiH

306 0450 000 163538 Hypo Alpe Adria bank Bosnia d.d.  
140 4010 018 681113 Sberbank BH d.d. Sarajevo  
186 0001 048 962098 Turkish Ziraat bank Bosnia d.d.  
338 4402 212 197081 UniCredit banka d.d. Mostar  
555 0530 049 467130 Nova banka AD Banja Luka, ekspozit. Tuzla